



Izao izany ny hoe « *delegasiona ofisialy* » nandaniana ny volam-bahoaka a ?  
Rajaonarimampianina mianakavy ireo, miampy ny minisitra Rivo Rakotovoao, Filohan'ny  
antoko Hvm (fahatelo ankavia) sy Véronique Resaka,

«  
*chargée d'Affaires*

»  
malagasy ao amin'ny Masoivoho ao Parisy, any Frantsa (ankavanana indrindra)

 Plateforme jeune anti #33, tout sauf la marionnette

Visite Officiel hoe :tao daholo dadatoa, nenitao, zafikely, rafozana, cousin,  
cousine, bebe, dadabe, nenifara, dadafara, neniraivo, dadanaivo, .. soa  
ihany fa mbola variana amin'ny mondial le Gasy kely mpandoha ny frais sy  
ny sakafonay sy ny hotelinay sy ny carburant-nay aly an-tany lavitra aly —

Dia mbola fitaka indray no nataon'ny ao amin'ny fitondrana malagasy e ! Ny 26 Jona teo dia  
nalefa ny fampilazana ho an'ny mpanao gazety fa **voasa ara-pomba ofisialy ny Filoha**  
**Rajaonarimampianina** hihaona amin'ny  
Papa Ray Masina François, any Vatican. Tampotampoka teo izany. Ka na dia nisy maty sy  
naratra aza teny Mahamasina, ny folak'andro, dia lasa ihany izy mianakavy, tsy nampilaza toa  
ny mpanao ratsy mitsaoka.

Tonga tany anefa izy rehetra, inona no teo ? Nambaran'ny Radio Vatican mazava [fa fitsidiana manokana](#)

[\(« \*audience privée\* »](#)

[\) sy ara-pianakaviana \(](#)

[« \*familiale\* »](#)

)

no nalehan'ilay Filoha malagasy tany, ny asabotsy maraina 28 Jona. Io sary io ambony io no porofo mivaingana tsy azo ivalozana ! Izany hoe tsy fitsidiana ara-pomba ofisialy na ilay hoe « *visite d'Etat* »

akory. Raha ny marina izany dia tokony ny volany manokana no nandoavana ny saran'izy mianakavy nandehana tany Roma fa tsy ny volam-bahoaka mihitsy no nanaovana kàpoky ny tsy miala vola. Sady amin'izay efa mihaotra ny folo ny

« *delegasiona* »

nanaraka izy mivady.



Ny tao aminy Tvm moa dia natao toa tena fandraisana makotrokotroka ny fisehoan'ilay fitsidiana. Tena manozon-tena mihitsy anie ity Filoha vaovoa ity e ! Aiza ka : namely mafy ny rivo-doza Hellen tany avaratra tany. Lasa izy nandeha ho any Bruxelles. Noravana ny trano etsy Ankadimbahoaka, lasa ihany izy nandeha tany Israël. Tsy nisy teny fampiononana mitaratra ny maha-Malagasy avy any aminy mivantana mihitsy. Ary koa aminy maha ray aman-drenin'ny Malagasy tsy vaky volo azy.

Fa dia mihevitra mihitsy ve ity filoha vaovao ity, amin'izao andron'ny fifandraisana eo no eo izao fa ho takona ny tena zava-misy marina ataony ? Afa ny zavatra mivoaka ny vavany ary afa ny zavatra ataony. F'angaha dia laharam-pahamehana io fitsidiana ara-mpianakaviana ny Papa François io ? Samia miheritreritra lalina isika Malagasy rehetra fa ho ratsy ny tohin'ny tantara... Manao izay tiany atao ilay filoha vaovao satria voafidim-bahoaka. Ary na dia izaho manokana aza re fa dia tadiavina hanaovana antsojay. Satria matahotra ny marina ve e ? Tsotra ny teniko : aza manambàny tena amin'izany fa hahitsio dieny izao ny famindra. Zafy albert, Didier Ratsiraka, Marc Ravalomanana. Tsisy izay tsy mahalala ahy ireo Filoha ireo. Tsy nisy na iray

aza nitady biby kely taty amiko satria ny marina marina ihany. I Didier Ratsiraka aza nanome baiko hamoahana ahy taminy izaho tratra sambo-belona tany Diego. Sa hanao fisamborana « vaovao » »

ianareo ao ambony ao satria anisan'ny

*"mpanatsatso"*

ny tenako ? Eo isika mahita azy, hoy i Jaojoby izay.

**Jeannot Ramambazafy – 28 Jona 2014**